

---

Na konferenciji *Vizije i ideje studenata fakulteta političkih nauka iz Bosne i Hercegovine*, održanoj na Jahorini, od 23.4. do 27.4. 2014. godine, na kojoj su učestvovali studenti Fakulteta političkih nauka Univerziteta u Sarajevu, Fakulteta političkih nauka Univerziteta u Banjoj Luci i Filozofskog fakulteta Sveučilišta u Mostaru - odsjek Politologija, doneseni su sljedeći zaključci:

1. Teritorijalni integritet isuverenitet Bosne i Hercegovine, uz nužno poštovanje volja i interesa sva tri konstitutivna naroda i svih njenih građana, predstavlja polaznu tačku za izgradnju funkcionalnog društveno političkog poretka.
2. Sve odluke u Bosni i Hercegovini moraju budu donesene voljom svih njenih stanovnika, na nivou države, uvažavajući volju većine svakog od konstitutivnih naroda, gdje legitimno predstavljanje svih konstitutivnih naroda predstavlja zdrav temelj budućnosti Bosne i Hercegovine.
3. Promjene i rješenja u Bosni i Hercegovini treba da nađu osnov u idejama njenih stanovnika, zasnivajući se na političkoj racionalnosti i stavljajući pri tome društveni interes ispred političkog oportunizma.
4. Smatramo da nacionalno i građansko, u pluralnim demokratskim društvima nisu međusobno isključivi.
5. Izmještanje procesa donošenja odluka iz institucija Bosne i Hercegovine na svim nivoima, negiranje je značaja i smisla demokratskog političkog sistema.
6. Smatramo da je valjana implementacija i iscrpljivanje svih mehanizama postojećeg Ustava Bosne i Hercegovine preduslov za reformu društvenopolitičkog sistema Bosne i Hercegovine.
7. Smatramo da odnos prema evroatlantskim integracijama treba da bude sistematičan, planski, uz pragmatičan pristup prema uloženom i dobijenom, uvažavajući specifične društvenopolitičke okolnosti unutar Bosne i Hercegovine.

8. U redefinisiranju prioriteta kroz amandmane na Ustav, smatramo važnim rješavanje sljedećih pitanja:

- A) Neselektivna jednakopravnost svih konstitutivnih naroda u Bosni i Hercegovini, na cijeloj njenoj teritoriji, uvažavajući prioritet rješavanja hrvatskog pitanja.
- B) Ostvarivanje punih političkih prava za sve građane Bosne i Hercegovine, ne ograničavajući se isključivo na konstitutivne narode.
- C) Racionalizacija birokratskog aparata u Federaciji Bosne i Hercegovine.
- D) Funkcionalniji institucionalni aparat na nivou države Bosne i Hercegovine.
- E) Nadležnost i sastav Ustavnog suda Bosne i Hercegovine.

9. Autonomija univerziteta kao organizaciona i funkcionalna nezavisnost uključivanje studenata u upravljačka tijela, preduslov su slobode misli, nauke i akademije kao osnova napretka društva u cjelini.

10. Mi, studenti, kao nosioci društvenih promjena, smatramo da uspostavljanje i kontinuitet saradnje studenata u Bosni i Hercegovini, dovodi do boljeg razumijevanja i odbacivanja ustaljenih matrica mišljenja kao izvora prepreka zajedničkom gledištu na budućnost obrazovanja u Bosni i Hercegovini.

Ispred delegacije iz Sarajeva:

Samir Arnautović

---

Predsjednik Asocijacije studenata Fakulteta političkih nauka (SPONA)

Ispred delegacije iz Banje Luke:

Vanja Milošević

---

Predsjednik Studentske organizacije Fakulteta političkih nauka Banja Luka

Ispred delegacije iz Mostara:

Josip Zelenika

---

Predsjednik Hrvatskog studentskog politološkog foruma (HSPF)